

主 編 卞 甫

副 主 編 陳玉宇

明代基本史料叢刊・文集卷
(第一輯)

『洪武、建文朝』

三三

綫裝書局

陶學士先生文集序

先生姓陶氏諱安字主敬太平當
塗人也元時嘗以親老養艱再為
書院山長歲乙未起從

太祖高皇帝為太平興國翼元帥府令
史尋陞都事丙申為江南行中書
省左司員外郎尋陞郎中辛丑為

黃州知府尋知饒州吳元年為翰林院學士尋以重臣出叅江西行省政以卒其學以濂洛關閩為師讀書守居敬持志循序致精之法博涉經史尤精於易所為詩文甚富其存者在元有辭達類鈔在中書有知新近稿赴武昌有江行雜

詠守黃州有黃岡寓稿在桐城有
鶴沙小紀摭若干卷今刻置太平
郡齋則前守嚴陵徐公時中圖其
始今守嘉興項公誠之成其終當
塗學諭鉛山張君天益校其譌次
其類而郡倅董君德美張君瑞夫
辛君公應李君宗漢守儀皆與聞

其事爲蓋距先生之卒已百三十
餘年矣嗚呼帝王之興必始於得
士士當變通之世亦必擇夫可興
興帝王之業者而後事之若伊尹
之就湯呂望之歸周張良之從沛
公鄧禹之赴蕭王彼豈苟爲自市
者哉所歸而人從之所言而人賴

之蓋其負救世之才藏待時之器
而繫天下之望也久矣當元之末
南士類擯不用先生為貧而仕低
徊散地其精華果銳之氣一寓於
文辭而不得見諸設施此蓋
天厭夷德將啓我

國家文明之運而陰蓄異才以為之

輔也及

聖祖渡江之初先生首率父老迎謁轅門

龍姿鳳質決於一見慨然以身許之
其在易即乾之五二同德相應可
謂千載一遇矣于時豪傑並爭地
大兵強者相望然皆嗜殺好貨取

快朝暮非有撥亂救民之志

聖祖既得先生善其謀而用之渡江之
明年定金陵據形勢遣使者旁招
俊彥置之左右諮訪治道

王師所加主於吊伐不殺降不鹵掠
不燬民居根本既固威德日隆數
年之間全有江南遂成

帝業蓋

國初才智之士乘時奮身以效其尺寸者多矣而實先生為之倡我

聖祖興自南服而致華夷一統之盛自開闢以來所未有而實先生補其衷也由此觀之先生之出處事功視古之君子豈甚相遠哉先生嘗

自謂謀畧不如劉基文學不如宋
濂治民之才不如葉琛章溢亦屈
己推賢猶房杜之於王魏耳然惟
惺之贊襄黃饒之惠政

聖祖深嘉而屢賞之翰苑之設所以崇
文治也而先生首膺學士之選語
當代之名臣或未有出先生之右

者矣胡君子之論贊獨遺先生而弗及耶先生志於道德功名其所樹立固不待文而傳然以其嚮往之端生蓄之富凡筆之簡札者類一皆深醇醲郁辭備理正固宜登名於文章之錄也古稱文如金玉即埋沒於一時而其精氣光彩不可

晦蝕必有收而寶之於後世者茲
集遇二守而傳非此類也夫覽者
慕其人而論其世則知斯文參天
地之化為不誣而儒者難與進取
之說陋矣

弘治十二年歲在己未春正月既
望

賜進士及第儒林郎左春坊左贊善
國史經筵官無侍
皇太子講讀鉛山費宏序

陶學士先生文集目錄

卷之一

四言古詩

詠鳧山

并引

詠當塗張縣尹善政

并序

詠張同知

并序

詠畫牛

并引

五言古詩

送呂經歷

并序

送于遵道

并序

送程子厚

并序

挽方君政

并序

贈程希孟

并引

寄題依綠亭

贈李盤居

贈風鑒雷霆電

贈斗數梁月淵

夜行至香魚館

送常伯昂

述寓

秋風辭送梁生

訾伯元孝義

仲春雅集分韻得梁字韻

九日登高翠微亭分韻得滿字

荒園寄

題何氏心遠樓

題江樓得梁字韻

登龍泉山寺得梁字韻

次雲觀尊師竹枝詩韻

題通微齋

送周士顯并引

已上辭達集

癸卯閏三月十九日奉

旨代祠寶公遇環中子於山中送余出
寺余止之環中子曰不出圓悟關因
續為句

次韻劉彥炳典籤感秋七首

次黃觀淵韻二首 看松庵

煙雲萬頃亭 唯天在上亭